

Кірістіліктің тәуекелсіз қисығын құру және мемлекеттік бағалы қағаздарды халықаралық индекстерге енгізу жөніндегі іс-қимыл жоспарын іске асыру жөнінде кеңес құру туралы

Күшін жойған

Қазақстан Республикасы Премьер-Министрінің 2021 жылғы 9 шілдедегі № 120-өкімі. Күші жойылды - Қазақстан Республикасы Үкіметінің 2022 жылғы 29 сәуірдегі № 268 қаулысымен

Ескерту. Күші жойылды - ҚР Үкіметінің 29.04.2022 № 268 қаулысымен.

"Қазақстан Республикасының Үкіметі туралы" Қазақстан Республикасының 1995 жылғы 18 желтоқсандағы Конституциялық заңының 19-бабы 1-тармағының 8) тармақшасына сәйкес:

1. Осы өкімге қосымшаға сәйкес құрамда Кірістіліктің тәуекелсіз қисығын құру және мемлекеттік бағалы қағаздарды халықаралық индекстерге енгізу жөніндегі іс-қимыл жоспарын іске асыру жөніндегі кеңес (бұдан әрі – Кеңес) құрылсын.

2. Қоса беріліп отырған Кеңес туралы ереже бекітілсін.

Премьер-Министр

А. Мамин

Қазақстан Республикасы
Премьер-Министрінің
2021 жылғы 9 шілдедегі
№ 120 өкіміне
қосымша

Кірістіліктің тәуекелсіз қисығын құру және мемлекеттік бағалы қағаздарды халықаралық индекстерге енгізу жөніндегі іс-қимыл жоспарын іске асыру жөніндегі кеңестің құрамы

Қазақстан Республикасының Қаржы министрі, төраға

Қазақстан Республикасының Қаржы вице-министрі, төрағаның орынбасары

Қазақстан Республикасы Қаржы министрлігі Мемлекеттік қарыз алу департаментінің директоры, хатшы

Қазақстан Республикасының Ұлттық экономика бірінші вице-министрі

Қазақстан Республикасы Ұлттық Банк төрағасының орынбасары (келісу бойынша)

Қазақстан Республикасы Қаржы нарығын реттеу және дамыту агенттігі төрағасының орынбасары (келісу бойынша)

Қазақстан Республикасы
Премьер-Министрінің

Кірістіліктің тәуекелсіз қисығын құру және мемлекеттік бағалы қағаздарды халықаралық индекстерге енгізу жөніндегі іс-қимыл жоспарын іске асыру жөніндегі кеңес туралы ереже

1-тарау. Жалпы ережелер

1. Кірістіліктің тәуекелсіз қисығын құру және мемлекеттік бағалы қағаздарды халықаралық индекстерге енгізу жөніндегі іс-қимыл жоспарын іске асыру жөніндегі кеңес (бұдан әрі – Кеңес) Қазақстан Республикасының Үкіметі жанындағы консультациялық-кеңесші орган болып табылады.

2. Кеңес өз қызметінде Қазақстан Республикасының Конституциясын, Қазақстан Республикасының заңдарын, Қазақстан Республикасы Президентінің және Үкіметінің актілерін және Қазақстан Республикасының өзге де нормативтік құқықтық актілерін, сондай-ақ осы Ережені басшылыққа алады.

3. Қазақстан Республикасының Қаржы министрлігі Кеңестің жұмыс органы болып табылады.

4. Кеңестің отырыстары қажеттілігіне қарай жылына кемінде бір рет өткізіледі және бейнеконференцбайланыс режимінде ұйымдастырылуы мүмкін.

2-тарау. Кеңестің негізгі міндеті

5. Кеңестің негізгі міндеті:

- 1) тәуекелсіз кірістілік қисығын құру;
- 2) мемлекеттік бағалы қағаздарды халықаралық индекстерге енгізу;
- 3) ішкі және сыртқы нарықтарда мемлекеттік бағалы қағаздар шығару саясаты;
- 4) Қазақстан Республикасының Ұлттық қорынан трансферттер мен мемлекеттік бағалы қағаздар шығарылымдарын ескере отырып, республикалық бюджет шығындарының болжамы бойынша ұсыныстар тұжырымдау болып табылады.

3-тарау. Кеңес жұмысының ұйымдастырылуы мен тәртібі

6. Кеңес жұмысының ұйымдастырылуы мен тәртібі Қазақстан Республикасы Үкіметінің 1999 жылғы 16 наурыздағы № 247 қаулысымен бекітілген Қазақстан Республикасының Үкіметі жанындағы консультациялық-кеңесші органдар мен жұмыс топтарын құру тәртібі, қызметі мен таратылу туралы нұсқаулыққа сәйкес жүзеге асырылады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК